

ALDERDI POLITIKOEN LEGEA. Espainiako Kongresuan Alderdi Politikoen lege asmoari jarritako osoko zuzenketak eztabaidatu ziren, atzo. PPk eta PSOEek gehiengo osoa baliatu zuten, guztiak atzera botatzeko. Beste urrats bat Batasuna legez kanpo uzteko.

Espainiako Gobernuak, PPk eta PSOEek ia erabakita utzi dute Alderdien Legea

Madrilgo Kongresuan osoko zuzenketak eztabaidatu ziren atzo, eta guztiek atzera egin zuten, alde handiz


Humberto Unzueta | MADRIL
Berriemaile berezia

Espainiako Gobernuak, PPk eta PSOEek dena prest utzi dute datorren ekainaren 4an Kongresuak emendakin partzialak bozkatu, eta Alderdi Politikoen Lege berria onartuta, Senatura bidaltzeko. Horrela, Batasunaren etorkizuna alderdi politiko gisa Aznarren Gobernuaren erabakiaren esku geratuko litzateke, ilegalizazioa gauzatze-prozedura noiz ireki zain. Kongresuko korridoreetan zabalduko esamesen arabera, Aznarrek uztailean egingo den Estatuaren egoeraren eztabaida baliatuko du Batasunaren aurkako prozesua abiatzeko.

Alderdi Politikoen Legeari alderdiek jarritako osoko zuzenketak eztabaidatu ziren atzo Espainiako Kongresuan. Justizia ministro Angel Acebesek aurkeztutako lege egitasmoari, EAJk, IUk eta Talde Mistoa osatzen duten bost alderdik egin zioten emendakina, tartean EA.

PPren eta PSOEren erabateko gehiengoak ez zien, baina, inolako aukerarik eman aurrera atera ahal izateko, eta Legea dagoen bezala onartuko dute, ondorengo bi asteetan Kongresuko Batzorde Konstituzionalean aztertuko diren aldaketa partzialak erantsita.

PPren gehiengoak ez zuen aukerarik ematen azken orduko ustekabeentzat. Hala ere, eztabaidak berebiziko ikusmina piztu zuen, gisa horretako lege bategi Espainian aurrekaririk ez duelako, trantsizioetik gaurdaino behinik behin. Acebes ministroaren hitzaldiarekin ekin zitzaion atzoko plenoari. Acebesek «terrorismoa garaitu eta Zuzenbide Estatuaren defenditzeko» legea ezinbestekotzat jo zuen, eta ukatu egin zuen ideien aurkako ekimenaren denik. Ildo beretik jo zuen PPko atzoko bozeramaileak. Orain arte, bozeramaile gisa behin baino ez zen aritu Javier Arenas, eta hura aukeratu izanak erakusten du PPk ekimenari ematen dion garrantzia zenbaterainokoa den.



JAVIER LIZON / EFE

Jose Maria Aznar, ondoan Angel Acebes Justizia ministroa eta Javier Arenas PPko idazkari nagusia dituela, atzo, Espainiako Kongresuan.

Acebesek eta Arenasek hitz gogorrak izan zituzten alderdi abertzaleen eta IUren aurka. ETaren biktimak popularrek eta sozialistak jartzen dituztela hitzetik hortzera erabili zuten, legearen onura berretsi eta Eusko Jaurlaritzaren sostengatzen duten hiru alderdiei ETaren munduarekiko nolabaiteko «konplizitate» egotzeko. Kongresuko presidente Luisa Fernanda Ruidik eskuzabal jokatu zuen Arenasekin, eta zegokiena baino ordu laurden gehiago utzi zion hitz egiten. PPko bozeramaileak ez zuen denbora alferrik galdu, eta diskurtso beroa eta EAJren aurkako salaketaz bete osatu zuen, sarritan bere lerroetako kideen txaloen artean. Kritiken gogorra hain irentsi ezina

BOZKETAK

EAJren zuzenketak jaso zuen babesik handiena: 34 boto alde, 277 kontra, eta abstentzio bat

suertatu zitzaizen jeltzaleei, ezen une batean euren aukietatik altxa eta ganbera uztea erabaki zuten EAJko bost diputatuak.

PSOEek ez zuen lortu PPren itzalpean ez dagoela erakustea, ezta itxuretan ere. Legearen aldeko jarrera azaltzerakoan, PSOEren bozeramaile Jesus Calderak berak aitortu zuen bere alderdiak gai horretan «gustura» ematen diola babesa PPri. Gero, Arenasek eskertu

egin zuten sozialistei egitasmoaren inguruan agertutako jarrera eta PPrekin bat egin izana. Jesus Calderak ukatu egin zuen legeak elkarrean eskubidea urratzen duela: «Aitzitik, ideiak defendatu eta aniztasuna bermatzen du», esan zuen.

Legearen aurkako argudioak

Emaitza eta partitura jakina izaki, EAJren zuzenketaren aurkezpenean izan zen desafinatu zuen musketako bat. EAJk lege egitasmoari jarritako osoko zuzenketaren nondik norakoak Josu Erkorekak azaldu zituen. Haren azalpenak oso teknikoak eta juridikoak izan ziren, eta bi alde nabarmendu zituen: lege asmoaren gabezia konstituzionalak eta akats juridiko larriak,

eta haren arrazoi politikoak eta euskal gizartean eta politikan izango dituen ondorio kaltegarriak. Erkorekak «asmo elektoral» egotzi zion Gobernuari eta PPri: «Helburua propaganda egin eta botoak lortzea da».

Begoña Lasagabaster EAJko diputatuak antzeko argudioak erabili zituen, eta «gustuko ez dituen alderdiak legez kanpo uzteko» behar duen tresna juridikoa neurritan egin duela leporatu zion Acebes ministroari.

Gaspar Llamazares IUko bozeramailearena izan zen atzoko hitzaldirik sutu eta politikoena. Jaurlaritzaren aurkako oldarra «ETAren aurkakoa baino gogorragoa» egin izana egotzi zion Acebesi. Llamazaresen esanetan, Gobernuak, PPk eta PSOEek